

REGIONAL NEWS

HEADLINES:-

1. Chief Minister Pu Lalduhoma chuan Mizorama Godrej Agrovet hmalakna zauh dan tur Godrej Group President Pu Rakesh Swami a sawipui .
2. Central Young Lai Association in dan kalha Rakhine State, Myanmar a Oil leh bungrua thawnluh thin an dan chu an la chhonzawmzel .
3. Union Home Minister Amit Shah-a hovin vawiin khan New Delhi-ah Vibrant Villages Programme kalpui dan thlirho a ni.
4. Israel sipai thlawhnaten Gaza-ah mi 20 aia tlem lo an kaphlum niin Hamas te chuan an sawi.

<><><>

CM

Chief Minister Pu Lalduhoma leh Godrej Group President Pu Rakesh Swami te chu Mumbai-ah an inkawm a. Mizorama Godrej Agrovet te hmalak theihna a sawipui. Tuna Bukvanneia an Oilpalm mill upgrade chungchang te, Godrej Samadhan center Mizorama kalpui ve thu te, Oil palm plantation neituten thlai dang; Sawhthing, Aieng, Hmarcha leh a remchang dang nena chin pawlha (intercropping) hlawk zawka hna an thawh theih dan tur te an sawidun a.

Pu Rakesh Swami hian Mizoramah Sapthei processing te, Fish feed te, fertilizer te, Poultry farm leh frozen food te, Sahbon leh Glycerin thlenga a siamna an bun theih a beisei thu Chief Minister hnenah hian a thlen a. An hmalak theihna te en turin a Group hnuaiia business hrang hrang hruaitute nen August thlaah Mizoram rawn zin an tum a ni.

Chief Minister hian Mumbai a cham chung hian Industrialist leh Politician pawimawh te a remchan dan anga hmuh zel a tum a ni. Pu Jonathan Lalremruata, OSD to CM chuan Chief Minister hi a tawiawm a ni.

<><><>

SUPPLY MINISTER

Supply Minister Pu B. Lalchhanzova chuan tunkar chung khan Mizoram mamawh hrang hrang te buaipuiin Delhi leh Kolkata-ah a zin a.

Minister hian Union Minister for Consumer Affairs, Food and Public Distribution Pu Pralhad Joshi chu a chennaah hmuin National Food Security Act chungchang leh Consumer Welfare lama nasa zawka hmalak dan tur a sawipui a. Minister hian Mizoramah NFSA hnuaiia awm tur awm silo engemaw zat awmte chu an awm ve theih nana hmalakpui turin a sawipui a. Department of Food and Public Distribution Secretary Pu Sanjeev Chopra leh Department of Consumer Affairs Secretary, Pi Nidhi Khare hmu lehin Union Minister nena an inkawmna thute hi a bawhzui a. NFSA quota tihpun chu India ram puma Household Consumption Expenditure Survey data te uluk taka zirchian a nih hnuaiia ngaihtuah that tur a nih thu leh, chu chu hun rei vak lovah hrual mum a nih a beiseiawm thu DFPD Secretary hian a sawi a ni.

Minister hian consumer awareness leh rights chungchangah Mizorama consumer-te hmundang aia an inthlarun avanga a bik taka ngaihtuah an ngaih thu a sawi chu DOCA Secretary chuan Minister hi proposal thelut turin a lo rawn a ni.

Ministry of DoNER Secretary Pu Chanchal Singh pawh hmuin Land Revenue & Settlement Department tih changtlunna tur hrang hrang ruahmanna Mizoram sawrkarin a neih te chu tih hlawhtlin a nih theih nana theihtawp chhuahpui turin a sawm a. DoNER Secretary hian Minister thu thlente chu tha a tih thu leh tih hlawhtlin theih thilte an nih hlawm avangin proposal a luh hunah pawh a lo chhinchhiah tur thuin a chhang a ni.

Nimin khan Minister Pu B.Lalchhanzova hian Budge Budge, Kolkata-a Hindustan Petroleum Corporation Limited Oil terminal a tlawh bawk a. Minister chuan Mizorama hmasawmna tam tak thleng mek zelah tuialhthei mamawhna pawh a sang chho zel tih HPCL hotute chu a hrilh a. Petrol retail outlet tam zawk

Mizorama bun belh tura ngenin khuarel chhياتna leh buaina dang a thlen thulha Mizoram a tuialhthei stock a awm theih nana Oil Depot siam tura a lo sawipui tawh pawh HPLC lam hian a rang thei anga bera a hmun tur enfel a, hmalak thuai an tum thu an lo hrilh a ni.

<><><>

CYMA

Central YMA chuan Cyclone Remal avanga chhياتna tawkte tanpuina, hmun hrang hrang atanga a dawn khawm te semna hun vawiin khan Central YMA Hall ah a hmang a, cheng nuai 56 sing 5 sang 4 Tanpuina an sem chhuak a ni.

He hunah chhiattawh chungte engemawzat an kal a, hmun hla zawka awm - Lunglei, Serchhip, Saitual, Mamit leh Khawzawl Sub- Hqrs hnuai mi te chu tanpuina thawn an ni.

<><><>

CM

Chief Minister Pu Lalduhoma leh Godrej Group President Pu Rakesh Swami te chu Mumbai-ah an inkawm a. Mizorama Godrej Agrovat te hmalak theihna a sawipui.

Tuna Bukvanneia an Oilpalm mill upgrade chungchang te, Godrej Samadhan center Mizorama kalpui ve thu te, Oil palm plantation neituten thlai dang; Sawhthing, Aieng, Hmarcha leh a remchang dang nena chin pawlha (intercropping) hlawk zawka hna an thawh theih dan tur te an sawidun a.

Pu Rakesh Swami hian Mizoramah Sapthei processing te, Fish feed te, fertilizer te, Poultry farm leh frozen food te, Sahbon leh Glycerin thlenga a siamna an bun theih a beisei thu Chief Minister hnenah hian a thlen a. An hmalak theihna te en turin a Group hnuai business hrang hrang hruaitute nen August thlaah Mizoram rawn zin an tum a ni.

Chief Minister hian Mumbai a cham chung hian Industrialist leh Politician pawimawh te a remchan dan anga hmuh zel a tum a ni. Pu Jonathan Lalremruata, OSD to CM chuan Chief Minister hi a tawiawm a ni.

<><><>

CONGRESS

Mizoram Pradesh Congress Committee MPCC Sr. Vice President Pu Lalnunmawia Chuaungo chuan Aizawl khawpui laili atanga Assam Rifles sawnchhuah chungchang chu Mizoram leh mipui ngaihven tur bik a ni a, an chhuansan kim dawn lo anih chuan chhuak lo law law se a ti.

Nimina an party political session Congress Bhavanah thusawiin Pu Lalnunmawia chuan Union Home Minister in Assam Rifles te sawnna tur MOU ziah tawh kar khat chungga chinfel tum ti a a sawi chuan ngaihtuah a ti thui a ti a, sawrkara a awm ve laiin MOU Draft an thawn a, Central lam an ngawi hmiah a. Chutih lai chuan anmahni lam in MOU tur an siam ve a, ziakin an pe lo naa, an draft ang chuan Loch House te, Quarter Guard leh Mandir te chhuahsan an tum lo niin a lang a ti a. Mizoram sawrkar atang chuan reminder AR leh Ministry of Home te an thawn thin a, chhanna an hmu ngailo a ti.

Union Home Minister in MOU chu a ram neitu Mizoram mipuite rawn lova tih fel tur a ni lo a ti a, sawiho a, State sawrkar nen an siam tur a ni a. Mizoram sawrkarin acre 1007 lai a pe a, Assam Rifles ten an luah sa mek hi acre 60 vel chauh a ni tih sawiin sawrkara a awm ve lai khan Inchi khat pawh an chhuahsan turah hian in chang zui lovang tih a hrilh dan a ni a ti.

Assam Rifles insawn tur chungahcnga July ni 4-a Chief Minister hovaw sawinaah Chief Minister hi Minister 4 laiin an tawiawm a, AR lam atang chuan IGP a tel a ni. Chief Minister chuan amah tawiawm tura Minister 4 Assam Rifles IGP dawr tura a hruai chu tihdanphung a ni lo a, Mizoram sawrkar an timualpho a ni, a ti bawk.

<><><>

NEPALI

Kolasib Diakkawn YMA Hall-ah Nepali Hnam thu leh hla (Literature) chawi kang a, mite hriata puangzartu Bhanu Bhakta Acharya piancham vawi 210-na vawiin khan lawm ani a, he hunah hian Kolasib SP Pu David H. Lalthangliana chuan a hmanpui.

Kolasib-a Bhanu Bhakta Acharya piancham lawmna hi Mizoram Gorkha Youth Association (MGYA), Kolasib Branch buatsaih niin, Pu David H. Lalthangliana chuan, Nepali te tana hun pawimawh taka hmanpui tura sawm ani chu a lawmthu sawiin, Kolasib Branch MGYA ten an hnam tana mi pawimawh, Bhanu Bhakta Acharya chawimawina chang hria a, kumtin a piancham lawmna an buatsaih thei chu fakawm a tih thu a sawi.

SP chuan, Gorkha hnam chu an awmna hmun apiangah mi dangte tana hnawh sak annih ngai loh thu leh an chenna hmuna ram leilung fate tana nelawm leh khawtlang leh ram tana mi tangkai tak ni thin a a hriat thu sawiin, hei hi chhonzawm zel turin a chah.

He hunah hian Bhanu Bhakta Acharya sulhnu thu leh hla leh hla hril te pho lan ani a, group zai, mal zai leh lam te en tir ani bawh.

<><><>

VIBRANT VILLAGES PROGRAMME

Union Home Minister Amit Shah-a hovin vawiin khan New Delhi-ah Vibrant Villages Programme kalpui dan thlirho a ni a. He hunah hian Pu Shah-a chuan Prime Minister Narendra Modia kaihhruaina hnuaiah sawrkarin ramria awm khuate kawng tinrenga hmasawntir turin theihtawp a chhuah a ti a. Tualchung mite tana hnathawh tur siam chu a pawimawh a tih thu leh ramria thingtlang khuah chengte hmunhrana an pem loh nan hmalak a ngai tih thu a sawi a. Ramria Central Armed Police Forces leh sipai dang awmte pawhin ramri thingtlang khuate thar chhuah thlai leh thilsiamte lei uar se a duh thu a sawi a. Hei bakah hian sipai leh CAPF te hnen atangin hriselna kawngah inenkawlana an dawn ve ngei ngei a tul thu a sawi bawh a ni.

Union Home Secretary Ajay Bhalla sawidanin Vibrant Villages Programme hi Centrally Sponsored Scheme niin ramri awm khuate tana siam a ni a. Arunachal Pradesh, Himachal Pradesh, Sikkim , Uttarakhand leh Ladakh huamchung district 19 atangin block 46-a khaw thlanbikte tana duan a ni.

<><><>

ASSEMBLY BY-ELECTION

State pasariha Assembly bial 13 by-election-ah bial 7 resutl puan a ni a. Heng Assembly bial te hi Punjab leh Himachal Pradesh, West Bengal te an ni a. Punjab-ah chuan Jalandhar West reserved assembly seat ah rorellai Aam Aadmi Party te an tling a. Himachal-ah rorellai vek Congress in seat hniah hnehna an chan laiin BJP ten seat khat an la a. West Bengal-ah sawrkar lai Trinamool Congress ten Raiganj, Ranaghat Dakshin leh Bagda seat te an la a. Assembly seat dangte hi la chhiar mek a ni a. Bihar-a Rupauli assembly seat ah independent candidate Shankar Singh chuan vote sangriat chuangin hma a hruai a. Tamil Nadu ah DMK candidate Anniyur Siva chuan Vikravandi ah hma a hruai bawh a ni.

<><><>

ISRAEL AIRSTRIKE

Israel sipai thlawhnaten Gaza-ah mi 20 aia tlem lo an kaphlum niin Hamas te chuan an sawi. Thudawn danin Israel sipai thlawhna hian Khan Younis-a al-Mawasi hmunah mipui bitna lai an kap a. Hamak enkawl health ministry chuan mi 90 chuangin hliam an tuar niin a sawi a. Hetihlai hian Israel lam chuan thil thleng hi an enchian mek thu an sawi a. Israel Army Radio sawidanin an sipaite hian Khan Younis ah hian Hamas sipai hotu Mohammad Deif an bitum niin an sawi a. Hamas sipai hotu hi a thih leh thihloh erawh tihchian ala ni lo.

<><><>